

赤城志卷第六

公廨門三

縣視州秩小位卑而於民最近民有事未有不由令之室而能徑達於守之庭者也州尊總其綱縣卑釐其目綱簡而目衆故凡獄訟若財賦漫漶輻輳絲棼葦積者咸先萃於縣縣能緝理位置則晝簾寂寂否則民肩吏足相與擁於門溢於庭散於廡充斥於狴犴如閔如市豈不削其體褻其居哉按五縣治黃巖最閎壯臨海號附郭今改選注京秩且以命朝士寄加重矣而其居亦未稱也然則居與人稱而政與居嘉定赤城志

卷之六

一臨海宋氏重梓

稱其自今日始乎

臨海

縣治在州南二百三十步按聽事皇祐二年令崔黃

臣建

章望之為之記

乾道九年火淳熙六年彭仲剛重

新之

尤守表為記云乾道癸巳秋九月臨海居民不戒於火燼爛扇延以及縣治燔燕俱

盡當官者因陋就簡僅能建三椽於煨燼之中以聽獄訟吏民無所托足案牘無所棲列一遇風雨則沾漬暴露叫呼謹叟訟牒計簿散匿吏胥之家最易甲乙莫可質考縣日以不理後三年予來為州有意興之而無與任其責者淳熙丁酉秋永嘉彭君仲剛來主縣事予聞彭名舊矣心固望其有為彭乃言曰夫環百里之地而為之長聚萬室之衆而聽其令民社所寄視古子男治必有所一邑之條教於是乎出而司存弗備無以施政廢之當舉舍此孰先然役大用

而不可使之無傳予既嘉彭君之有成而因其請故遂著其實使後之人得以考而法之非以譽彭君也

鼓樓在縣門上

手詔亭在縣治前

虛照堂在聽後

仲剛詩云宇空發天光所患在自

有物橫滿眼皆黑漆斯

平心堂在聽西

仲剛詩云一泓不盈寸天地同其

已不辨况能鑒微不我

琴堂在虛照堂後

令孫祖德題云一曲重彈子賤

公家事留得

嘉定赤城志

卷之六

三臨海宋氏重梓

擁青軒在琴堂後

悅齋在虛照堂左

瘳軒在聽後嘉定十二年令朱中直建取宓子賤

荅有若之語而名

丞聽在縣東一十步舊在今主簿聽乾道九年火淳

熙六年令彭仲剛徙今地

掃溉軒在縣東嘉定十年丞王森建

主簿聽在縣西一十步舊在今丞聽乾道九年火淳

熙六年令彭仲剛徙今地慶元元年主簿蘇霖

重建

孔先堂在聽前嘉定七年主簿趙汝駟建水心葉

侍郎適名之

且為銘曰非籍不有惟籍乃守先聖所正後學敢繆臨海之邑翕米

寸帛必信必實以作民極

尉聽在州東北四里舊在下洋嘉祐元年徙今地宣

和中燬於寇明年復建

地據形勝其前秀巒環峙曠埜平鋪後有峯屹

然龍困水馮出其右陰陽家以為善吏隱者多通顯云

隱軒在聽東紹興二十二年尉王淮建

景樞堂在聽內淳熙六年尉葉高建以先是王丞

相淮為尉後位西府故名今名阜堂

一鋒亭在聽前淳熙六年尉葉高建舊以舒亶為

嘉定赤城志

卷之六

四臨海宋氏重梓

尉斬毆從母者賦詩有一鋒不斬姦邪首萬古

安知將相材之句故名

杜瀆場聽在縣東一百二十里

押袋聽在杜瀆場聽側

黃巖

縣治在城內宣和五年令王然重建

鼓樓在縣治南一十步前跨石橋

尉鄭伯熊詩云飛甍鬱崢嶸

井交錯綜俛仰各有則靜以馭羣動平時心匠微斤斧袖不用少施見其餘規畫已驚眾姬公

昔營洛道德作梁棟東家有餘材鳳衰無復夢帝方議明堂行矣與君共

宣詔亭班春亭在縣治前三步舊在鼓樓前東西

後廢開禧元年令趙湜徙今地

清心堂在民和堂後舊名清畏紹興二十一年令

楊煒建三十一年令胡璉改名清軒嘉泰二年

令劉鼎孫更今名初孫尚書觀嘗賦詩有所貴

謂清固不當求人知亦不必畏人知遂去畏字
直揭曰清尉鄭伯熊詩云樹蕙餘百畝藝蘭當
路歧清風一披拂香氣無不之紉為楚纍佩辱
我幽靚姿小草生澗底雨露無恩私不入兒女
玩歲晚得自持所以
古君子清德畏人知

民和堂在縣圃嘉定二年令劉鼎孫重建

摘星樓在燕堂後嘉定四年令楊圭重建

仁政閣在縣治東廡嘉定四年令楊圭重建

嘉定赤城志

卷之六

五臨海宋氏
重梓

舫齋在民和堂西開禧三年令趙汝伯建

飛蓋亭在舫齋西嘉定九年令陳夢建建

淨涼亭在飛蓋亭北嘉定五年令趙湜建

丞聽在縣東一十二步嘉定三年丞顧元龍重建

香遠堂在聽東舊名紫翠軒紹興五年丞趙子英

建嘉定十五年丞趙彥珽更今名左緯詩云試
捲珠簾看青

山有幾重崢嶸秋色老蒼莽暮烟濃未辨清
猿處遙知白鳥蹤藍田無此景痛掃只雙松

真清亭在香遠堂南紹興三十一年丞李昱建今

廢

宜雪亭在香遠堂東慶元四年丞何坦建

哦松亭在香遠堂後嘉定三年丞顧元龍重建
主簿聽在縣治東二十步隆興二年主簿趙仁夫重
建後廢今僦民居

尉聽在縣治西一十五步慶元五年尉徐士表重建
見山堂在聽西

傳香亭同

歲寒亭同

射亭在聽東南

右嘉定四年尉楊璘重建

買納場聽在縣東南六十里乾道三年監官戚大辯
嘉定赤城志

卷之六

六臨海宋氏
重梓

建嘉定十五年潘周伯重建

押袋聽在監場聽側嘉定十一年押袋鮑埜重建

天台

縣治在縣城之中慶元元年令常建重修

鼓樓在縣門上

班春亭在縣治東

宣詔亭在縣治西

靜治堂在聽東嘉泰元年令丁大榮建上有閣榜

曰標霞

樓參政鑰
爲之記

平心堂在宅堂西淳熙三年令薛洪建

瑞粟堂在觀政堂北舊名瑞萱乾道二年令李異
重建嘉泰二年令丁大榮以得粟一莖六穗更
今名

觀政亭在縣圃內淳熙七年令劉孝憲建嘉泰二
年令丁大榮名

問松臺在宅堂後旁有大松如偃蓋舊為松風亭
嘉泰三年令丁大榮築為臺更今名

多錦亭在縣圃內嘉定十四年令邵繼元建
丞聽在縣門西乾道五年丞朱皆建舊與主簿尉分

處縣治內及是闢縣圃為之
嘉定赤城志

卷之六

七臨海宋氏
重梓

主簿聽在縣東二百步淳熙十三年主簿杜純孝以
縣吏沒官屋建

尉聽在縣西北一百六十步紹興二十五年尉李異
建

仙居

縣治在城東建炎二年令張亨重建

鼓樓在縣門上紹興二十六年令梅克明建開禧
二年令姚偓重建

巖老堂在聽事東皇祐元年令陳襄建

嘗鑿池引水經竹林間以環流釣翁名臺習坎
嘉魚名亭未知在縣治何處今不可考矣巖老

按陳仙居
詩自注云

堂詩云手持養性書此地學樵漁身類蛇龍董
情深木石居先迷成遠復正靜得中虛何必求
深隱幽蒙是所廬徐融和云大老富詩畫不
煩耕與漁巖同傳說築人學仲尼居靜性觀三
極窮神味六虛欲知休復意仁義是蘧廬章
望之和云巖前未老客期在老樵漁拊俗多閒
暇開軒適起居讀書明治亂學易
體盈虛頗許相從否吾將當故廬

安樂堂在縣治後紹興十二年令杜師旦建

秀歧堂在安樂堂東慶元二年令尤棐以民獻瑞

麥而建

愛山堂在安樂堂左嘉定五年令董履道建

真趣亭在安樂堂東嘉定六年令董履道建取陶

潛是中有真趣之句

嘉定赤城志

卷之六

八臨海宋氏
重梓

丞聽在縣治西建炎二年令張亨重建

倚松亭在聽後淳熙十二年丞趙善宿建

三益亭在聽東嘉定十二年丞林訪建

主簿聽在縣治東南五十步嘉定六年主簿趙彥儻

建

尉聽在縣治東一十步建炎二年令張亨建

寧海

縣治在城內皇祐二年令李純師建

鼓樓在縣治前景祐元年令張大蒙建

世肇按秩
官門作章

崇大

勅書樓在縣前大門上後廢今爲大門

架閣樓在縣治東廡嘉定十年令陳宗仁建

宣詔亭在縣治西

班春亭在縣治東舊爲茶鹽亭嘉定十六年權令

張修重建

均政堂在聽東舊名問政嘉定十年令陳宗仁重

建

岸幘亭在縣圃北建炎元年令魏賁建

舫齋在讀書徑北

讀書徑在縣圃西面水舊名風漪隆興二年令薛

嘉定赤城志

卷之六

九臨海宋氏重梓

抗建朱舍人翌寄詩以出宰山水縣讀書松竹

林爲韻遂更今名

書林在聽東隆興二年薛抗建

松竹林在縣圃東下瞰官河慶元二年令李知微

建

橫翠閣在雲錦亭後今廢

雲錦亭在縣圃蓮池中今廢

丞聽在縣西五步政和四年丞劉倚友建紹熙四年

丞耿開重建

劉自爲記云崇寧甲申大觀戊子是邑兩置丞皆踰年詔罷政和壬辰復置予以初第承乏茲任前此雖閱兩政皆以中廢而公廨不克治予至則就舍編民隘陋

苦之既而得地於縣之西隅以歲在癸巳九月
經營越明年正月告成址而桂者凡二百二十
有二他木稱是又關縣之垣以跨橋曰通德因
聽之餘以編韜堂曰松吟亦足以資出入宴息
之便也一日落成士民縱觀有驚視夸睨若見
賞者有俯眉顰語若見勞者又有欲笑而頤不
解欲言而聲不揚若見請者夫見賞者予知其
樂此基而聲不揚若見請者夫見賞者予知其
之勤也求其見請者不可得竊思之固在此矣
得非以仕宦所寓比傳舍為稍久今基繡繡造
為之代者告至徒役為後人資耳况繼而居
未黔必察者告至徒役為後人資耳况繼而居
理而所以謂者乃予志也士之有為於世期以
身任天下之重者皆使人人獲安而後已况
朝夕從事無非盡其所以為人者於一室勞逸
又何較焉若夫察與不察德與不德尤非所問
也雖然繼是居苟能壞者思全敝者思新毋頽
我窗牖毋毀我器用毋以一時苟簡而忘後人
長久之利使向之見請者於予心為無媿亦仁
嘉定赤城志 卷之六 十重梓海宋氏

人之賜也因其落成故序此以俟賢者

松吟堂在聽南今名壯觀

不負軒在宅堂南今廢

主簿聽在縣治西五步紹興中廢徙於迎恩驛淳熙

五年令方杲徙今地

三瑞堂在聽西政和四年主簿洪皓建時以荷花

桃實竹榦有連理之瑞已而生子适故名紹興十六

年适以貳車行縣題詩云久矣馳魂夢今登三

瑞堂故山有喬木近事話甘棠展驥慟充位占
熊憶問祥白雲留不住極望是吾鄉

交翠亭在聽右池南政和五年主簿洪皓建子适

詩云三十年前事鸞棲築小亭寒聲長新穉清
闕拂疎櫺水轉前時綠山濃遠處青重來勤問
訊此別記秋螢左緯詩云地勝多喬木亭幽
闕古墉春梢經雨合晚色過烟濃影落琴書徧
聲穿戶牖重鸞棲應
不久枳棘若爲容

適志亭在聽西慶元四年主簿胡宗建今廢

尉聽在縣治東五步宣和五年尉王允成建

清風樓在聽東舊名一覽紹興二年尉馬迴建

梅軒在聽西嘉定十年尉葉象翁建

嘉定赤城志

卷之六

臨海宋氏
重梓

赤城志卷第六終

臨海何映潢鈔并校